

INUIT ATAQATIGIIT

INATSISARTUNI



Nuuk, 9. januar 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Aqqaluaq B. Egede, Inuit Ataqatigiit)

Apeqqutit:

1. Namminersorlutik Oqartussat suliffeqarfiutaanni suliffeqarfiillu Namminersorlutik Oqartussat akisussaaffigisaanni allaffissornikkut atortulersuutit pisiarineranni, soorlu printerit il.il. aningaasartuutit ukiut kingullit pingasut qanoq isikkoqarpat?
2. Allaffissornikkut atortulersuutit nakkutillineq aamma aserfallatsaaliineq pillugit kiffartuussinermut sullissinermullu isumaqatigiissutit aningaasartuutitigut qaffassimappat? Imaluunniit apparsimappat?
3. Ukiut kingullit pingasut allaffissornermi atortulersuutit pillugit namminersortunut ataasiakkaanut sullissinermi isumaqatigiissusiortarnermut aningaasartuutit tamakkiisumik takussutissinneqarsinnaappat?
4. Sullissisut namminersortut isumaqatigiissuteqarfignineranni suliariumannittussarsiuussinermi ukiuni kingullerni pingasuni akit qaffassimappat?
5. Allaffissornikkut atortulersuutit pillugit kiffartuussinermut isumaqatigiissutinut akuersisartuuneq atorunnaarsitsisarnerlu kiap akisussaaffigaa?
6. Kikkut isumaqatigiissusiortarfigineqarnissaat pillugu aalajangiisartoq nunatsinni inissisimava?
7. Imaluunniit nunatta avataani inissisimava?
8. Nunaqavissut suliffeqarfiutaat kiffartuussinermi sullissisussatut aningaasartuuteqarfiunerat ukiut kingullit pingasut qanoq takussutissinneqarsinnaava?
9. Aningaasartuutit qaffassimappat imaluunniit apparsimappat?
10. Allaffissornikkut atortulersuutit qaqugukkut taarserneqartarpat?
11. Atortulersuutit piusinnaanerattut killiliusaaq nalleraangat?
12. Imaluunniit atortut qaqugukkut taarserneqarnissaat pillugu nakkutillineq qanoq ingerlanneqarpat?

Tungavilersuut:

Ukiuni kingullerni nunatsinni allaffissornikkut atortulersuutit eqqarsaatigalugit aningaasarpaalussuit atorlugit nutarterisoqartarpoq. Inuiaqatigiit aningaasataasa tassangaanartumik atortariaqalersarnerat nutaarsiassaangilaq. Tamannali sumik patsiseqarnersoq qanorlu tungavilersorneqarsinnaanersoq soqutiginarippara.

Isumaqarpunga aamma nunatsinni suliffeqarfiit qanoq peqataatinneqartiginerat pillugu apeqqutip akineqarnissaa soqutiginarpoq. Tassani aamma kiffartuussineq imaluunniit sullissinissamut isumaqatigiissuteqarfigisat akinik qaffakkiartortunik malitseqartitsinersut paaserusunnarmat. Inuiaqatigiit aningaasaataat pineqartillugit kiffartuussinerit taariikkakka akilersinnaasup tungaanut ingerlatinneqarnerisut paaserusuppara.

Kissaatigaara apeqquteqaatigisakka tamarmik ullut suliffiusut qulit iluini akineqareersimassasut.